

Библейско-богословская коллекция
Серия «СВЯТООТЕЧЕСКИЕ ТВОРЕНИЯ»

Свт. Димитрий Ростовский


**СЛОВО
В НЕДЕЛЮ 25
ПО СВЯТОМ ДУХЕ**

Странник, 1891, № 9, с. 20-26

© Сканирование и создание электронного варианта:
издательство «Аксион эстин» (www.axion.org.ru), 2009




Санкт-Петербург
Аксион эстин
2009



С Л О В О ¹⁾.

Святителя Димитрія, митрополита Ростовскаго, въ недѣлю
25 по Святомъ Духѣ.

*Человѣкъ инокій слождаше отъ Иеру-
салима во Иерихонъ и в разбойники
вниде.*



ЛОВЕСА суть Христа Бога нашего къ закон-
нику глаголанная от Божественнаго Еванге-
листа Луки во главѣ 7 в началѣ 11 положенная.

Обычно есть в мѣрѣ на путехъ велицѣхъ
разбоемъ бывати слышателие православнїи,
ибо тамо разбойники кознствуютъ и ковы
творяютъ, идѣже богатїя купцы съ драгоцѣн-
ными куплями путешествуютъ; нѣсть же во
всей поднебесной путь вящшїй яко из мы-
сленнаго Иерусалима во Иерихонъ; умствен-
ный бо той путь, зѣло пространенъ, излише
утреннїй, но в концѣ его зло Пристанище,
погибель, по одному словеси Христову: про-
странная врата и широкїй путь вводя в па-
губу, и мнози суть входящїи имъ, тѣмъ путемъ
входящїи вси невѣрнїи и христіане не христіанское житїе
постъ, можетъ быть намъ споспѣшникомъ въ углубленномъ и

¹⁾ Изъ рукописи хранящейся въ Ростовскомъ Яковлевскомъ мона-
стырѣ. (Л. 48—54). Сообщено преосвященнымъ Амфилохіемъ, епископомъ
Угличскимъ, въ „Моск. Церк. Вѣд“.

проходящи, безчисленни полки, аки на пиршество нѣкое въ вѣчную текутъ пагубу, другъ друга предваряя, и аки о многоцѣнной подвизаяся наиприлѣжнѣе. Чесо ради толикий путь утренневася и пространенъ содѣлся, якоже и слѣпымъ вождя кромѣ мощно есть во Иерихонъ адскій без заблужденія улучшить. Есть же на томъ пути множество разбойникъ безчисленное, яко имъ наипаче богатіи и славниі міра сего аки на торжищи, безпрестанно я(хо?)жденіе творять, и едва не вси Іерусалимляне во Иерихонъ шествуютъ. Чтоже Іерусалимъ, что Иерихонъ, что путницы, что разбойницы знаменуютъ: азъ настоящимъ словомъ моимъ вашему благочестию изъяснити умыслихъ, Бога Всещедраго молю о пособіи во глаголаніи, вашу же любовь, а не стужальное прошу глаголемыхъ слушаніе.

Премудрый нѣкто отъ учителей благочестивыхъ сказательствуя притчу настоящую глаголетъ сице: человекъ низшедый изъ Іерусалима во Иерихонъ, есть міръ, разбойницы—мысли лукавыя и преступленія, священникъ знаменуетъ пророки: Левить есть законъ Моисеевъ, Саморянинъ есть Христось Спаситель, вино и елей есть пречестное тѣло и кровь Его, и крещеніе святое: гостинница есть церковь, гостинникъ есть Павелъ святой, два сребренника, два еста завѣта, новый и ветхій. Благо во истинну чрезъ человека изъ Іерусалима исходящаго разумѣется Адамъ; ибо Іерусалимъ знаменуетъ видѣніе міра; кто же убо в поднебесной толико имѣ видѣніе міра съ Богомъ. и со всею тваріею Его, якоже Адамъ в рай, идѣже ничтоже противно желанію сердца его обрѣташеса, донелѣже в предѣлахъ невинности пребываше, о немже зѣло мудрѣ и лѣпо Августинъ глаголетъ сице: живяше человекъ в рай, якоже хотяше, и елико хотяше живѣ, веселяся о Бозѣ, Его же благостыни ради благъ баше живѣ, кромѣ всякія скудости. А тако выну жити въ его то власти баше: тако пищи довольно, да не гладствуетъ: и питія во еже бы не жаждати. Древо бѣ животное во еже бы не состарѣтися, никоего тлѣнія на тѣлеси, никоея скорби, ни во единомъ имѣ чувствіи, никакая же внутри боязнь баше, никоего бояшеса внѣшняго поврежденія, величайшее имѣ во плоти здравіе, и в души міръ совершенный якоже въ рап не баше хладъ, или зной,


такое во ея жилище, никое же от похоти или страха прилучися благія воли поврежденія, а по истиннѣ нѣсть лѣтъ подѣ солнцемъ вѣщну обрѣтатися миру, яко же имѣ Адамъ в рай: чесо ради вправду рай Иерусалима знаменуется именемъ: в лѣпоту видѣніе мира наричется, его же мира лишися и изыде из того Иерусалима мысленнаго прародитель нашъ общій, егда блаженства онаго неизреченнаго преступленіемъ заповѣди Господни удалися, и изъ мѣста веселія изгнася на мѣсто плача и окаянства во Иерихонъ міра сего, всяческой, непостоянный и яко луна измѣнный. Иерихонъ бо толкуется луна, луна же за присное измѣненіе Сія, ово чрезъ возрастъ, ово чрезъ уцербленіе, есть знаменіе непостоянства; впадеже в разбойники, в развращенныя мысли и гордое возношеніе; тѣми бо обнажися и лишень бысть одѣянія невинности первородныя, егда токмо помысли равень быти Богу, прельщеніемъ діавольскимъ, и вкуси от плода возбраненнаго древа, абіе погуби ту одежду, и познася нагъ быти; а в немъ вси мы обнажихомся, якоже мощи намъ со Іовомъ глаголати: пред лицемъ Твоимъ тму положи, еже знаменуетъ свѣта благодати отъятіе, славу же от мене совлече, аже знаменуетъ святынъ невинности приличныхъ лишеніе, отъятъ же вѣнецъ отъ главы моея, еже есть красоту невинности ея же ради яко царю всего мира Адаму вся животная покорена бяху по словеси Богодухновеннаго псалмопѣвца: *что есть человекъ*, яко помниши его, или сынъ человекъ, яко посѣщаеши его; умалилъ еси его малымъ чимъ от ангель, славою и честію вѣнчалъ еси его; и вся птицы и рыбы морскія, переходящія стези морскія; того вѣнца и мы во Адамѣ лишени бывше отщетихомся, благопокорства животныхъ, ибо не точію не покорна намъ являются многая, но и вредотворна, пачеже и смертоносна бывають, по обнаженіи же люта, овіи разбойники и нестерпимыя раны наложашая, и едва жива оставиша Адама грѣси различны, то есть раны душевныя, цѣлость естества нашего вредящія и смерть наносящія: Единъ Адамъ уязвися и вси оттолѣ болѣзнуемъ и умираемъ по Апостолу, глаголющему: яко единѣмъ человекомъ грѣхъ в міръ вниде, и грѣхомъ смерть, и тако смерть во вся человекѣ вниде чрезъ Адама, в немже вси согрѣшиша. Нынѣ убо блюдемся братіе несхо-

диди на путь Іерихонскій, на путь пространнаго житія, ведущій во Іерихонъ адскій; яко на пути томъ тріе выну врази лютіи засѣдають, на насъ сѣти заставляюще. Яко же вошіемъ псаломникъ: на пути семь, по немже хождаль, скрыша сѣти мнѣ, предвариша ми сѣти смертныя, которыя врази сіи суть: мѣръ, плоть, діаволь мѣръ ловительствуеть яко сѣтьми суетными, красотами своими, богатствомъ, честыми и славою, яже три вещи суть, яко вервь переплетенная не скоро расторгаемая. Едва не вси челоувѣки уловляющая аду: и чреблажень челоувѣкъ той пже сѣтки сія растерзати можетъ, или попрати доволенъ, троицѣ пребожественнѣй: тщайся растерзати вервь сію, угодникъ ест, от нея же мзды вѣчныя не лишится, аще явится побѣдоносець: тако мѣръ врагъ Божій и нашъ: все намъ рвы и ямы копаеть, и покрываетъ ихъ цвѣты и травою, богатствомъ честми, и славою, да к тѣмъ текуще, в погибель адскую впадемъ и постраждемъ. Блюдитесь убо, братіе, сицевыхъ. Да не будемъ прельщени, плоть бо ловитву дѣеть, ово красотой лиць, ово чревоугодными сластями, ово похотію блудной, яже вся намъ являются сладка и угодна, но подъ тѣмъ меда съ сотомъ ядъ зміинъ подаеть намъ; мягка словеса совѣтъ ея, но та суть стрѣлы душѣ убійственныя, яко благовоннымъ шипкомъ прислаждаеть (?) но острымъ грѣха терніемъ збодаеть, смертоноснѣ. Чаша ея свѣтла и красна, но мерзости исполненна, яко же оныя жены, ея же Богословъ въ откровеніи видѣ, жена бѣ облеченна в порфіру и червленицу, позлащенну златомъ и каменіемъ драгимъ и бисеромъ, имущи чашу злату въ рудѣ своей. Но что въ чаши той держаше, полную глаголетъ, мерзости и скверны любодѣянія ея: сицевою чашею плоть наша чествуетъ насъ, от нея же вкушающе, не видемъ в царствіе Божіе, по словеси Апостола Павла глаголюща: не льстите себе ни блудници, ни идолослужители, ни прелюбодѣи, ни сквернители, ни малакіи, ни мужеложници, ни лихоимци, ни татіе, ни піанци, ни досадители, ни хищници, царствія Божія не наслѣдять. Не пійте братіе моя, от сея чаши плоти, да не будетъ вамъ в сѣть и во оружіе смерти и не вопрежайтеся прилудами (sic) ея, да не яко птенець уловенный убіенны будутъ души ваша. Пійте от чаши спасенія всеславныя, о

ней же поминаеть псаломникъ, чашу спасенія прїиму, и имя Господне призову. Уловими будете мрежею царя небеснаго на трапезу всея твари, на той ясти обѣдъ, о немже речеса: *блаженъ, иже съестъ обѣдъ во царствїи Божїи*. На послѣдокъ ловительствуетъ на пути томъ діаволь, всякими прелести, и коварствы пособствуя міру и плоти, да яже с ними уловить прелестно, то обнаживъ и язвить смертоноснѣ. Присѣдитъ онъ ловительскїй единымъ, яко же Евѣ, со яблокомъ егда запрещенныя вещи отъ Бога услаждаетъ, и желати ихъ творить, присѣдитъ инымъ я и (—яко?) Амиръ Іудѣ на пути, утаивъ лице свое покрываломъ и к паденію приводитъ. Не исходите, братіе, на путь Іерихонскїй, и очесъ обращенїемъ: се бо Дана дщерь Іакова Патріарха, изыйде видѣти дщери Салима града Сихемска, и цвѣтъ дѣвства не возвратный погубила есть похищенїемъ Сихема сына Елморова. Ибо градъ Сихемъ Сумеонъ и Левїй отмщенїе дающе псѣкоста весь мужескїй полъ во градѣ. Царь Давидъ обраць очи на Вирсавїю красотою ея уязвися, и ризь цѣломудрїя лишися, старци оны два судїи, Израильскїи очи свои похотнѣ на цѣломудренную Сусанну обратиста, и ложно ея оклеветаста и каменїемъ побиста ихъ: отвращай убо слушателю православный лице свое отъ красныхъ міра, отвращай очеса твоя, еже не видѣти суеты его. Аще хочещи не погубити красоты своея, не упокоевайся никтоже во сластехъ мірскихъ, якоже Сампсонъ на колѣну скверныя жены Далиды, пбо геенскїи мимостимове (sic) утаишася, измуть тя яко Сампсона, и очи твои избодуть и поругаются даже до смерти. Адамъ нашъ ветхїй, или весь родъ человѣческїй адскими разбойниками уязвленны, егда лежаше обнаженный, священникъ нѣкїй схождаше путемъ тѣмъ, видѣвъ его мимо иде. Еже есть идоша пророци, идоша патріарси, идоша инїи путемъ тѣмъ мужїе праведнїи, но никтоже подыять Адама нашего уязвленнаго, ни единъ отъ нихъ подаде ему руку помощи, потомъ идыше и Левить, иже бѣ Моусей со закономъ, не ни онъ сотвори пособїе, иже не може уязвленнаго Адама исцѣлїти, ниже наготы его ризою оправданїя покрыти. На послѣдокъ убо изыйде на путь всемірнаго Іерихона, изъ горняго Іерусалима Самарянинъ, еже есть стражъ всемірный, Христосъ Спаситель, иже егда узрѣ

Адама, всероднаго поранена язвами грѣховными, омый крещенія водою всечистительною, помази елеемъ милосердія своего; налія виномъ Божественныя Своя крові: и связана узами грѣховными разрѣши прощеніемъ, струпы невѣжества его обяза ученіемъ Евангельскимъ: всади его на свой скоть. Егда взятъ беззаконія наша на себе, по одному: *Се Агнецъ Божій, вземляй грѣхи міра*, и со трудомъ велиемъ ибо чрезъ пророка глаголетъ: *Азъ есмь въ трудѣхъ отъ юности моя*, и внесе и в гостиницу, церкве: и вручи гостиннику. Еже есть Архіереомъ и Іереемъ. Егда рече к Петру а в немъ и ѡ всѣмъ пастыремъ: *паси овцы моя, паси агнцы моя*, дадеже на иждивеніе, яко два сребренника, два завѣти: ветхій и новій, ктому аще бы ето приждиваль гостинникъ, обеща воздаяніе по дѣломъ его, в неже время да прииме вы, о гостинници, мзду по благу отъ Господа, вимъ глаголю со пастыріе душъ христіанскихъ, будите подобници нынѣшнему Самарянину, подражайте его добродѣянію ко ближнимъ, обязуйте струпы душевныя недужниковъ вашихъ, чистыми и мягкими платенци ученія Божественнаго, союзы ихъ грѣховныя разрѣшайте благоразсуднѣ властію вамъ отъ Бога данною, возливайте на раны вино со елеемъ, еже есть, дѣйте наказаніе с милостію. Врачеве есте душевниі. Убо цѣлите, якоже достоинъ рѣжьте, сѣците, жгите точію во цѣлбу; рѣжьте не полезныя вѣтви отъ деревей сади Божія, сѣците сухая дресеса и неплодная, жгите хвостіе грѣховное огнемъ Божества во спасеніе, Евхаристіи святыя падаемаго. Вы же недужници, от небеснаго Самарянина, гостинникомъ церкве врученное будите терпѣливы, егда врачуеми бываете, чрезъ наказаніе и обличеніе отъ пастырей душъ вашихъ, нѣчто вамъ чадѣ есть во врачбу, желаете, но яже врачи ваши прилагають пластыри, радостно приимайте. Лучше есть быліе духовное, от врача души твоей, прилагаемое нежели тобою помышляемое; повинуйся точію повелѣнію его, и исцѣлѣешь отъ проказы душевныя, яко Нееманъ от тѣлесныя, а внигда Божіимъ пособіемъ исцѣлить тебе, блюдися да не впадеші в недугъ свой, ибо отпаденіе вящшую бѣду наноситъ, нежели недугъ первый. Хранитесь, братіе, на путь Іерихонскій паки всходити, не

лстятся суетными міра сего славы честьми и богатствы. Сія бо суть мрежи вражіи, ими же міръ ловить чловѣки, потомъ убиваетъ. Ищите прежде царства Божія и правды его, и сія вся приложатся вамъ. Его же вся вы да сотворитъ наслѣдники быти Богъ, в Троицѣ Единый, от всѣхъ силъ небесныхъ славимый нынѣ и присно и во вѣки вѣковъ. Аминь.





**Издательство православной
богословской литературы
“АКСИОН ЭСТИН”
(Санкт-Петербург)**

Книги издательства “Аксион эстин” — это православные исследования, удачно сочетающие высокий научно-академический уровень и доступную форму изложения. Они будут интересны и полезны преподавателям и студентам богословских и гуманитарных ВУЗов, православных духовных академий и семинарий, всем верующим, желающим лучше понять христианское вероучение.

Посетите наш сайт в интернете по адресу:

www.axion.org.ru

На сайте:

- подробная информация о новоизданных книгах;
- возможность бесплатной загрузки большого количества электронных книг по богословию, библеистике, патрологии, которые легко читать на компьютере или распечатать на принтере;
- возможность заказать книги для доставки по почте (в том числе и электронные книги, которые высылаются на компакт-дисках).

Ваши вопросы и пожелания направляйте, пожалуйста, по электронной почте: info@axion.org.ru